

經教經法經訣非中非外非心了真經非此
經得真本非此本當知大道真經務在口傳
心印依法秘受歡喜奉行

太上開明天地本真經

太上玄都妙本清靜身心經

爾時元始天尊在玄都大治元陽上觀七寶
華林紫瓊宮內太上道君與十方聖眾諸天
具仙三界帝王一切天神龍鬼應受度者無
鞅之眾登真一位得無為心同會其所玄都
官觀皆以金銀瑠璃珊瑚琥珀真珠碧玉種
種裝飾光明赫奕映照內外列座眾真不能
名目自然祥瑞表見尊前天兩寶花散滿於
地靈鈞雅樂不鼓自鳴百和神香芬馥流溢
爾時四座咸起驚疑默念思惟莫能先問
○
天尊撫几杜彼機緣入慧觀門示無為道思
念萬兆稟受之初乃發鴻音告四眾曰汝等
男女本地身心悉皆清靜實相不動始終恒
一猶如虛空來去無礙難於受染絕諸愛想
正性湛然本無生滅但以顛倒隨業受形譬
如明珠恒埋糞壤塵劫隱蔽不覩其光汝等
男女將來衆生執虛假身迷真實道造顛倒
業積邪偽塵埋智慧珠乘惡癡垢墮生死海
溺貪愛流居五欲場處四魔境有惑煩惱結
縛身心隨業轉輪三塗五道蓋正性沉沒

第十一

玄珠寶本光明亦復如是輪迴生死無解脫
期是故我今開發妙門令汝得悟汝等四眾
以本分力汲道性水採無為香調智慧湯居
清淨室為諸衆生除根業穢洗虛妄塵令入
慧門觀於實相煩惱漏累畢竟消除洞照一

乘深明二際還源反本復我清虛得道自然
永無流轉爾時大衆聞是說已敬奉思惟心
閱意解歡喜踴躍稽首道前長跪頌曰

元始無上大慈尊 善說衆生邪倒業
諸法妙本常清淨 動則沉淪經萬劫

妄想既植貪癡根 隨根即生煩惱業
花葉繁滋彌世界 善惡輪迴互重疊

狂迷競貪邪偽果 子果不絕恒相接
煩惱垢重覆明珠 身心臭穢染清淨

示我汲引道性水 洗滌千邪歸一正

平等清淨智慧湯 遣除癡垢開真性

有緣速入正觀室 無為香水澄如鏡
能照去來邪倒業 洗滌貪嗔即戒定
心垢惱病豁已除 各復真根歸慧命
慮事所說巨恩職 我等稽首咸恭敬

第十一

爾時會中有一具人名曰法解即從座起整頓衣中手執香爐容雅步怡神息慮攝念安心長跪道前白天尊曰臣等有幸得預斯會侍座以來未聞此說四眾心識猶自蒙昧特乞天尊賜垂訓諭唯願哀原慙所不逮於是

天尊撫几微笑答法解曰善哉男子汝能於此法會為決疑悟末世眾生真所倚賴於汝功德更復增高有所不了恣汝等問勿懷疑惑封執之心法解承恩稽首問曰眾兆愚癡隨業生滅垢穢深重迷惑纏身今調法湯建清淨室洗滌罪根消除體穢未審儀軌其事云何

天尊答曰善男子汝等常用月十直日以上善水調法香湯於淨室中正念安坐先觀身心垢穢聚積無量迷惑共成此身外內貪癡纏細不淨生老無常眾苦結縛三業障道六塵覆心如彌天雲翳明盛日作是念已以法香湯先從皮膚四支五體六根九竅次第濯洗悉令清淨外清淨已復以靜觀薰修心感

一切煩惱妄想執計貪嗔癡垢昔今清靜內外既淨住法身心常居道場斷邪偽垢是名法湯滌除之要眾具聞說咸皆讚歎彈指懺悔同聲稱善

爾時真人以宿命通得他心智照知末劫有等眾生心識闇昧於法未了是故乘機稽首進問不審今會演說是經以何名曰修持供養功德云何假有之身既蒙開度真無之識亦復福乎臣等庸愚忝居真位於斯義趣猶自未通唯願神專特垂開示降甘露雨遍灑人天垂智慧雲廣覆無外爾時

天尊歡喜答曰異哉具子得宿命通了他心智悟一乘道達三世機能為將來致殷勤請我今具說汝當諦聽眾生性相皆悉是空暫寄有形終歸壞滅不住三世豈繫一身能體有空自當無假有空無假何藉資憑真了當知假有之身必須修習在生如是處死亦然凡人壽終識居中塵善業資助必獲上生是其家人及諸同學當為作福種種裝嚴建大寶壇懸諸幡蓋修齋願念講誦是經燒香然

燈照燭幽夜拔其苦爽令觀光明無為法湯滌除紛穢神識絕淨乃得昇天反彼清虛歸自然域是經功德不可格量猶如虛空難以量度若有抄寫供養受持此人即得妙本澄清身心潔白獲報無量等彼微塵故名玄都

妙本清淨身心汝輩四眾善男女等當知此經濟度法中最高第一禳災法中最高第一修習法中最高第一無為法中最高第一智慧法中最高第一觀行法中最高第一此經微妙不可思議於餘法中無不第一我昔過去與諸天尊之所奉行而得成道汝宜寶秘慎勿輕傳若得其人當須授受燒香誓願頂戴奉持十方天尊必記汝等於是青華童子丹元真人素先玉女玄官使者黃中大神率其官屬三十六人備衛靈文保護於汝汝能

於此靜心習誦存念形神日夜精思不辭勞倦即得三官明淨六職清虛十轉業成五神依止無為大道發爾身心一切羣魔自然消伏作是說已是諸男女並皆歡喜天尊依然瞑目高抗四眾瞻仰無敢諮詢又

手道前而作頌曰

妙本常清淨 身心無垢膩 衆生習業人

迷惑懷疑貳 是故感慈尊 為明權實義

一相度黎元 具為平等語 垢穢既以除

煩惱自然離 負荷匠成德 飛步玄都治

爾時衆聖說此頌已於是天尊怡然含笑即

吐五色微妙神光徹照諸天福堂及九幽長

夜地獄四座男女乘此神光悉覩諸天諸地

罪福報對如觀指掌了了分明咸皆一心歸

命懺謝宿根業累即世深殃願後衆生離諸

苦惱天尊慈愍感被衆心乃振威神彈指叩

齒應時地獄悉得開寧餓鬼囚徒俱昇道境

寶光收照法界猶明林木山川緬然平等祥

風鼓吹慧日流光預法會中並加具位十方

衆聖三界人天種種羣生皆蒙利益稽首作

禮依教奉行

太上玄都妙本清靜身心經

太上太玄女青三元品誠拔罪妙經卷上及
太玄女青曰

至道玉帝昔於龍漢初劫在三天之上帝諸

天上聖十方真仙無量大聖衆演說三洞大

法三元品誠妙經是時三界官屬諸天神仙

各百億萬衆並皆欽簡侍座諦聽法音

爾時元始天尊告諸大衆曰吾今廣為三界

內外一切衆生宣說三乘妙法三洞寶經開

化人天隨緣降接下元衆生末世男女不聞

道法枉被殺害不終天年者多此蓋生人業

重罪深不歸正化背真從偽惟用邪行既死

之後魂無所託結寄鄴都地獄之中劫盡山

消無由解脫汝等衆生當度大千世界之內

十方國土之中一切善信男子女人自今以

去當誦三元寶經女青妙典此經功德上度

天人下濟長夜福報無窮恩資萬有免於壽

盡之時魂入鄴都受諸報對

爾時上元一品九炁天官紫微帝君即延生

之符始陽之炁結成至真處玄都元陽七寶

紫微上官碧霞之殿五雲之座紫金之床凭

碧琳之几乘青玉之珪左右神仙列班侍衛

其上元之官縱廣五千萬里並皆青玄之氣

結成其宮總主上真自然玉虛高皇上帝諸

天帝主上真真仙及國主大臣皇后皇妃諸

王太子百官眷屬天下人民一切貴賤罪福

之由其中神仙官僚皆稟自然之氣而為體

也若非金闕玉簡記名得道之人莫能見也

其紫微宮中復有左右中三府左府主生之

官則太陽火官考之右府主死之官則太陰

水官考之中府主生死罪福之官則風刀考

之三府總計三十六曹各領官僚九千萬衆

並於上元之夕考較大千世界之內十方國

土之中一切生死罪福緣對報應之由衆等

虔誠人各恭敬

志心歸命

太玄女青 上元明真曹仙官

太玄女青 上元監正曹仙官

太玄女青 上元梵行曹仙官

太玄女青 上元靈關曹仙官

太玄女青 上元禁神曹仙官